

moris poesia, otimismo, ksolok.

Jesus ninia eskolante lolos mak ema esperansa nian, aspirante lalehan nian, hatene hadia an nafatin atu hatan ba ema nebe husu kona ba imi nia esperansa" (1Ped. 3:15). Nia hatene hola parte iha Maromak, nia hatene katak ninia naran hakerek ona iha lalehan, hatene katak husi moris ne'e kedas nia mak lori nain lia hakotu nian ida, hatene katak iha fatin ida iha lalehan, ne'ebé ninia mes-tre no maksoyn mak prepara ona ba nia, hatene katak ema ida hein nia ho domin.

Serteza ida ne'e, fo ba nia dignidade bo'ot ida, hateke ida ne'ebé luan iha moris lor-loron nian, fô libre ba nia iha preokupasaun barak ne'ebe ladun necessaria no halo nia libre ba buat ne'ebe fô folin ba nia no mós ninia haka'as-an. ema ne'ebé hatoman an atu hateke ba lalehan iha matan no iha fuan iha leten nafatin, hare no hanoin bo'ot. Hateke ba moris rohan laek lori sarani ba fuan bo'ot no ba matenek neon nian iha moris.

Don Bosco no Madre Mazzarello no ita nia irman sira barak, lao uluk ona ita ba iha lalehan, sira iha senso moris rohan laek nian ne'ebe forte. sira hatene hateke ba leten, sira hatene "halao moris" mate nian ho hakmatek iha certeza horik fatin lalehan nian no mos hamaluk ho Kristu

Mai ita remata hodi le'e hikas fali **artigu 107** husi ita nia Konstituisaun nian:



Moris fidelidade lolós ho fuan tomak hetan ninia realizasaun iha mate, katak ikus nian ba profisaun relijioza, momento uniaun total ho Maromak

Saran-an tomak ba Aman no ba maun alin sira iha Kristo, ita moris hodi hein Nai nia fila ikas, hodi prepara-an ho Maria ita-nia inan nia tulun, atu partesipa ho modun foun no ba nafatin iha Ninia mistériu paskal, ho fiar metin ne'ebé mai husi apostolo nia liafuan: "Ha'u hatene iha IDA ne'ebé mak ha'u tau ha'u nia laran metin". (2Tim,1,12)

ENKONTRU
JUNIOR SIRA
4 JUNO 2011

"Saran-an" no "naran hakerek iha Lalehan"

Akompanhamento iha visaun misterio Paskal nian

Sinotiko tolu no hotu-hotu apresenta Jezús ninia moris publika nu'udar la'o dalan ida husi Galilea ba Jerusalem: "ema nia oan Mane atu saran daudaun ba iha ema nia liman..." iha ne'ebé Jezús sei mate no sei moris hias fali. Lukas marka viajem ne'e ninia hahu: "wainhira too daudaun ninia oras, atu husik mundo ne'e, nia sae ba iha Jerusalem". Iha viajem naruk ne'e, temi bei-beik eskolante sira. ladun temi konaba ema barak no milagre sira, ne'ebé halo ema laran manas, Jezús dala barak hamutuk ho ninia apostolo sira de'it.

Iha viajem ne'e, Markos apresenta: "sira sai husi ne'eba hodi hakat liu Galilea, maibé Nia hakarak atu ema ida mós keta hatene ninia viajen ne'e. Nune'e nia dehan ba ninia apostolo sira..." Jezús ninia interese mak konsentra ba ninia apostolo sira, laos distraido ho ema seluk nune'e, viajem ba Jerusalem nakfilak ba eskola ida, Jezús "akompanha" eskolante sira hodi la'o daudaun ba hasoru kruz, lori sira atu partesipa ba Ninia destino. Ba dala tolu nia laran, no dala ida-idak sai momos liután, katak Jezús haklaken ninia terus, mate no moris hias (Iha Joao nia Evanjellu, ita la hetan haklaken dala tolu, maibé iha simbolo tolu konaba Jezús ninia mate no moris hias nian: harahun Kreda bo'ot hodi hari'i fali iha loron tolu nia laran, samea riti ne'ebé foti sae iha raifuik maran, trigu musan); apostolo sira hatudu sira nia hahalok oin-oin hasoru lia hirak ne'e, tan la komprende, hodi silensiu ka hodi hado'ok, maibé Jezús metin nafatin, hanorin ho pasiensia no ho neon matenek pedagojika.

Dalan ne'ebé halao daudaun sai momos liután prezisa saida atu sai Apostolo ida ne'ebé los, no katak sa sequela Jesus nian "se ema ruma hakarak lao tuir ha'u, hewai nia-an rasik, kaer nia kruz no tuir ha'u". Ida ne'e, vale ba Apostolo hotu-hotu, maibé liu-liu ba sira ne'ebé sanulu resin rua mak uluk nanain atu moris tuir hanorin ne'e. La'o dalan ne'ebe habelun ho Jesus ne'e, mak eskola matenek neon nain kruz nian, eskola ida iha ne'ebé aprende atu terus ho simplisidade, atu hamamuk-an ho haraik-an no ho natural, atu *saran-an* ho laran




metin iha Maromak ninia liman laran, atu halo terus sai buat kmanek nu'udar konsekuensi sequela Jezús nian.

Maibé durante la'o daudaun ba Jerusalem Jezús haka'as-an iha edukasaun no iha akompanhamento ninia apostolo sira, Nia la konsege manán sira ba pro-jettu Maromak nian, ne'ebé nia atu realiza daudaun ho domin. Atu apostolo sira saran an tomak ba ninia realizzasaun uluk nanain nia rasik tenke saran-An tomak, iha isin no iha klamar ba sira. Apostolo sira nia fiar sei sai intuisaun no laran manas le'et de'it no la dura wainhira hamohu de'it Mestre ninia isin. Viajem ba Jerusalem mak eskola ida ne'ebé hatudu katak domin sei to'o iha ne'ebe (Cf mos *Jo. 13:1* Nia hadomi sira too rohan), eskola ida iha ne'ebé aprende atu saran-an tan domin iha Maromak ida ne'ebé domin nia liman laran, hanesan Jezús halo tiha ona. Nune'e Paolo interpreta misterio kruz nian no sarani sira nia partesipasaun iha misterio ida ne'e: "Moris ne'ebé ha'u moris ohin, ha'u moris housi fiar iha Maromak nia Oan Mane nebe hadomi ha'u no *saran nia moris* tamba ha'u" (*Gal 2,20*); "La'o iha domin, hanesan Kristu hanorin imi, hodi saran nia An nudar buat karan ida mai ita; sakrifisiu nebe morin liu ba Maromak" (*Ef 5,2*).

Viajem ba Jerusalem mak hamaluk Jezús iha ninia mate, maibé mós mak nu'udar preparasaun iha ita nia mate hodi hamaluk husi Jesus.

Maibé lao dalan ba Jerusalem mós mak nu'udar la'o dalan ba ksolok moris hias nian: "Ha'u dehan sai lia hirak ne'e ba imi atu Ha'u nia ksolok hela iha

Iha naran sira ne'ebe hakerek iha Lalehan



Iha viajem ba iha Jerusalem, loron ida, Jesus ninia apostolo sira fila hikas fali husi esperienza predikasaun iha ne'ebé sira nia Mestre haruka sira ba. "Nakon ho ksolok" sira hotu hatudu sira nia suksesu ba Jezús: "Na'i, diabu sira mós tuir ami hodi Ita nia naran" (*Lk. 10:17*). Sira haksolok basa'a sira nia servisu sira fo fuan no fo ksolok, sira

hare'e kedas resultadu ho sira nia matan rasik. Jezús fahe nia ksolok hamutuk ho sira no fo apoio ba sira, maibé iha tempo hanesan nia hatudu ba sira senso lolos ksolok ne'ebé sira iha, ksolok ne'ebé folin liu fali sira nia suksesu ne'ebé la tahan no la metin: "*keta haksolok tamba espíritu sira tuir imi; haksolok de'it tamba imi nia naran hakerek tiha ona iha lalehan*" (*Lk. 10:20*). Iha Testamentu Tuan

koalia konaba "*hakerek*" iha livru moris nian, katak rejistu membru povo eleito nian (cf *Es 32,32; Sa 169,29; Is 4,3*). Oras ne'e, Jezús deklara ba ninia eskolante sira katak sira nia naran hakerek ona iha lalehan, katak sira hola parte iha ninia familia (*Mk. 3,34*), sira mós hola parte iha nia no participa iha ninia misaun, iha ninia moris no iha ninia relasaun ho Aman.

Molok atu husik mundo ida ne'e Jezús, iha ninia diskursu ikus nian, dehan ho domin ba ninia apostolo sira: "Imi laran keta taridu resin. ... Iha Ha'u Aman nia uma iha fatin wa'in....Ha'u ba hadia fatin ba imi; Wainhira Ha'u ba ona hodi hadia fatin ba imi, Ha'u sei fila hikas mai hodi lori imi ho Ha'u; nune'e, iha fatin nebe Ha'u hela, imi mós sei iha neba ba" (*Jo. 14:2-3*). Nia rasik mós "*laiha fatin oan ida iha uma laran*" (*Lk. 2:7*) hodi prepara fatin ida iha ninia uma, lalehan; nia ne'ebé moris iha tempo tau naran Cesar Agustu nian, nia hakerek naran nu'udar ema ne'ebé iha romano nia ukun no iha sirkunsizaun apresenta nu'udar membro povo ebreu hodi simu naran ida, hakerek ita nia naran iha lalehan halo ita sai sidadaun iha ninia reino.

Serteza ba rai lalehan nian, ne'ebé loke ba ksolok rohan laek, hakonu ho aten-brani no fo ksolok no esperansa nian iha ita nia peregrinasaun iha raiklaran ne'e. Mai ita sarani sira, serteza ida ne'e mak hamanas liu-tán Kristu nia lia hakotu, mate no moris hias nian. ita nia fatin iha lalehan nia rasik mak sei prepara, hodi fo sinál ho ita nia naran rasik. Hanesan Newman esprime katak sarani sira "laos, ema ida ne'ebé hein le'et de'it; tebes duni, katak diak sira sei mai, la duvida katak sei mai". Nia la hatene oinsa, maibé bele hanoin katak buat ne'ebé nia hein mak buat ruma ne'ebé furak, kmanek. Nia hatene "hein hodi hasoru esperansa sira" (*Rm. 4,18*), maski se mundo atu sai a'at ba daudaun, hodi konvinse katak raiklaran hetan tiha ona salvasaun husi Kristu, nune'e buat a'at sira la iha ona lian ikus nian. Paolo fo parabens ba sarani sira iha nia tempo: "Maromak esperansa nian halo imi nakonu ho ksolok hotu no dame tamba imi fiar, atu imi hetan esperansa wa'in liu tan husi kbiit Espiritu Santu nian" (*Rm. 15:13*) no nia fo hanoin: "*imi la bele laran susar hanesan ema seluk ne'ebé la iha esperansa*" (*1 Tes 4:13*): kongratula ida no mos konvida ida ne'ebé vale ba oras ne'e.

Jezús akompanha ninia eskolante sira atu hateke ba iha lalehan (hanesan iha TT Maromak konvida Abraun atu hateke ba iha lalehan hodi sura fitun sira), hanorin sira atu mehi konaba lalehan, atu hein, atu "sura ita nia loron sira" no hein ho moris ne'ebé kompletu iha "Aman nia uma". Hateke ba leten fo